

Sarkina Bt Mat Saad @ Shaari

From: UUM CORPORATE COMM.
Sent: Sunday, May 5, 2019 12:46 PM
To: UUM - All Staff; UUM - All Students
Subject: Three Minute Thesis Peringkat UUM



UUM Corporate Comm.
Universiti Utara Malaysia

05 MEI 2019 / 29 SYAABAN 1440H
=====

"UUM : UNIVERSITI PENGURUSAN TERKEMUKA"
(*THE EMINENT MANAGEMENT UNIVERSITY*)

Oleh: Siti Fatimah Abdullah
Gambar oleh: AHS GS / Mohd Amir Aizat Sainon

THREE MINUTE THESIS PERINGKAT UUM



UUM ONLINE: Meor Muhammad Afif Aiman Abu Bakar merangkul tempat pertama "Three Minute Thesis" (3MT) UUM yang berlangsung di Studio OYAGSB, UUM, baru-baru ini.

Manakala tempat kedua disandang oleh Qasim Ali Nisar dan ketiga, Rachma Indriyani yang masing-masing membawa pulang wang tunai RM600, RM400 dan RM200 serta hadiah dan trofi.

Timbalan Naib Canselor Akademik & Antarabangsa, Prof. Dr. Yusnidah Ibrahim, program 3MT yang diperkenalkan oleh University of Queensland Australia pada 2008 itu menyaksikan persaingan yang melibatkan pelajar PhD untuk menyampaikan tesis mereka dalam masa tiga minit menggunakan satu slaid.

Ujarnya dalam majlis anjuran Awang Had Salleh Graduate School of Arts & Sciences (AHS GS) dengan kerjasama Othman Yeop Abdullah Graduate School Business (OYAGSB)

dan Ghazali Shafie Graduate School of Government (GSGSG), persaingan ini bertujuan mencabar para pelajar untuk membentangkan maklumat penyelidikan yang rumit dengan mudah, mudah diakses dan menarik.

“Tahniah kepada semua peserta yang menyertainya sehingga ke peringkat Universiti setelah dipilih di peringkat pusat pengajian. Saya percaya aktiviti sedemikian akan meletakkan pelajar kita selaras dengan yang lain dari universiti terkemuka.

“Melalui pertandingan ini peserta dapat meningkatkan kesedaran dan tahap keyakinan dalam mempersiapkan diri bagi menghadapi sesi pembentangan viva kelak.

“Para pelajar mempamerkan kreativiti mereka dalam menyampaikan idea mereka dalam masa yang sangat terhad. Bayangkan 80,000 perkataan dalam masa 3 minit kepada orang awam. Saya sangat teruja untuk menyaksikan persembahan daripada para peserta,” ucapnyanya sebelum merasmikan majlis.

Pertandingan ini bermatlamat untuk menilai kebolehan pelajar peringkat kedoktoran (PhD) secara penyelidikan dalam menyampaikan idea dan hasil kajian secara efektif.

Di Malaysia pertandingan 3MT peringkat Universiti Awam pula diadakan pada setiap tahun yang mempertandingkan tiga kategori iaitu Sains dan Teknologi, Kejuruteraan dan Sains Sosial.

UUM pertama kalinya menyertai pertandingan ini pada tahun 2016 dan menjadi tuan rumah bagi pertandingan 3MT Malaysia pada tahun yang sama.

3MT ini selaras dengan harapan Universiti bagi menghasilkan graduan yang mampu menyampaikan idea mereka kepada masyarakat awam bagi mengembeleng pembangunan minda yang lebih dinamik.

Pertandingan 3MT akan dilaksanakan menerusi format yang telah ditentukan oleh pihak University of Queensland. Pada peringkat pertama, wakil setiap kolej akan bertanding mewakili pusat pengajian masing-masing.

Para pemenang peringkat 3MT universiti ini akan mewakili UUM di peringkat kebangsaan bertempat di Muzium Pendidikan Nasional, Perpustakaan Tuanku Bainun dan Auditorium Utama, Universiti Pendidikan Sultan Idris (UPSI) pada 25 Jun 2019 akan datang.



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.